

تصوف

صاحب امتیاز و سر تحریر
اورفه مبعوثی

شیخ صفوت

مرکز توزیعی باب عالی جاده سنده
جمعیت کتبخانه سیدر

نسخه سی ۲۰ پاره در

شرائط اشترا

سنه لکی ممالک عثمانیه ایچون
۳۰ غروش ، مصر و ممالک اجنبیه
ایچون ۷ فراقدر .

التصوف کله آداب : ابوحنس عمر بن مسلمه

عرفای امتک مقالات عارفانه لر بنه تصوفک تحفهلری آچققد

تصوفه متعلق مباحث شتادن باحث و مکارم اخلاق اسلامیتک تعمیمنه خادم مجله معنویه در

فال خیر

قال علیه السلام : تقال بالخير تنله

تصوفک ایکنجی نسخه سنده اتحاد و ترقی جمعیتک شریعت غرای اسلامیه ده وضعیت معنویه سنه دأر یازیلان مقاله ده جمعیت مشار الیهاتک (لاتزال طاقتة من امنی قوامه علی امرالله لایضرها من خلفها) حدیث شریفک سر لطیفنه مظهریتی بر اھین عیدیه سیله ایضاح ایدلش ایدی . الیوم مجلس مبعوثان عثمانیه بو جمعیت محترمة نك مقاصد سیاسیه سی تمثیل ایدن اکثرت فرقه سنك بازار کونی وقوع بولان اجتماعنده یار و اغیارك مشهودی اولان منظره علویت فرا : او مظهریت مبارک نك بو فرقه مبعوله ده دخی تجلای بخشا اولدیغنی عین الیقین اثبات و تعین ایلشدر . بو یوم مسعود : فرقه نك حیات اخلاقیه سنده انسال آتیہ مزه نمونه نمای فضیلت اوله بق بریوم مشهود تاریخیدر .

چله نك معلومی اولدیغنی اوزره بیانات رسمیه به رغماً فرقه نك اغراض و امراض نفسانیه ایه شخصیاتک کرداب اضمحلالنه قایلدیغنه دأر تصنیع ایدیلان فسانهلر: زهر آلود برر خنجر کی ملتک قلبکانه ایشلمکده ایدی . بو گفتکویه صورت قطعه به بر نهایت ویرمک ایجاب ایدیوردی فرقه ایسه بو ایجابی اقوالندن زیاده

افعالیه ایفا ایتشدر . اجتماع مذکور ائساننده فرقه اعضاسنك شخصیات و اغراض نفسانیه کی مساوی اخلاقیه دن کلیاً آزاده وسلامت و سعادت و وطنیه نامنه هر آن هر درلو خدمات میروره فداکارانه به ساعی و آماده بولدقلری قولاً و فعلاً نمایان اولمقده ایدی . سرشك حیتله جریان ایدن مساوله افکار ایه بو ذوات حیت سهاك هر بری (اذا ارادالله بعدد خیرا فیحله فقل قلبه وجعل فیہ الیقین والصدق وجعل قلبه واعیاً لما یسلک فیہ وجعل قلبه سلیماً ولسانه صادقاً وخلقته مستقیمه وجعل اذنه سمیعاً و عینه بصیرة) حدیث شریف نبویسنده بیان بیوریلان اوصاف بر کزیده مظهریتی کوستریور ایدی . حدیث شریفک مال منیفی : حق تعالی حضرتلری بر قولسه خیر مراد ایدرسه قلبندن برده اشکال و شبهاتی آچار قلبه یقین و صدق تودیع ایدر و قلبه کیرن و غط و نصیحتی حفظ ایتدیر و قلبنی حسد ، کبر ، و غرور کی آفات و امراض معنویه دن محافظه بیوریر ولساتی طوغرو و طبیعتی مستقیم و قولقلری ایشیدیجی و کوزلری نه کوریجی ایلر دیمکدر .

ذوات مشار الیهک بو اوصاف عالیه ایه موصوف اولدقلری کال جدیت و حسن طویثله (نور علی نور) قیلندن اوله رق تأیید و تأکید ایلدکلری اتحاد سدید ایه هر درلو شك و شبهه دن وارسته در . بومیانه ده بالعکس

ہر ایک سنک تعلیمتہ اہتمام ایلہ پدرلرینک متروکات جزویہ سی تماماً صرف ایش و کندوسنک دخی فقرحالی اتفاق و عاشہ لرینہ مساعد اولمیدنن ہم تأمین معیشت ہمہ اکتساب کال و معرفت ایچون مدارس علمیہ نک برینہ داخل اولمینی توصیہ ایش ایدی . ایشہ او وصیت ایلہ بوتوصیہ نک برکاتی سایہ سندنہ ہر ایک برادر جہان تعالیدہ برر موقع بلند معالی احرارینہ موفق اولمشلرد . غزالی حضرتلری بوخصوصی نقل و حکایہ ایلدیکہ (طلبنا العلم لغیراللہ فانی ان یکون الا للہ) بیوربرلردی .

ہنکام صباوتلرنده طوس قصبہ سنے تابع رادکا ناحیہ سندنہ احمد بن محمد رادکانی حضرتلرنده علم فقہی اخذ ایش ایدی . بعدہ جرجا شہرینہ عزیمتلہ رئیس العلم ابو نصر محمد ابن ابی بکر اسماعیلینک حلقہ تدریسانہ ملازمتلہ بر خلی علوم و فنونک تحصیللہ برابر یک جوق تعلیقات علمیہ فی تحریر ایلدکن صوکرہ طوس قصبہ سنے عودت ایش ایدی . انشای اردندنہ ظہور ایدن بر حادثہ غزالی حضرتلرینک استقبالی اوزرنده بر تأثیر عظیم اجرا ایشلشدر : انشای طریقہ اشقیا طرفندن صویش و جرجانده ایکن تحریر ایلدیک تعلیقات علمیہ سیدہ اشیا سیلہ برابر ایش ایدی . بو تعلیقات کندیلرینہ اصلاً بر فائدہ سی اولمیدنن و بوتون مکتسبات علمیہ سنک بونلردہ محرز بولمیدنن بیسا ایلہ اعادہ سنے یالوارمی اوزرنہ رئیس اشقیا کولہرک (بو تعلیقاتی الدینمز ایچون بونلرک علم و عرفانندن تجرد ایلدیکک خالدہ نصل اولبورده علم و عرفان ادعا سندنہ بولنورسک ؟) دیش واوراقی تماماً اعادہ ایش ایدی . بو حادثہ دن حصہ سند عبرت اولان غزالی حضرتلری طوس قصبہ سنے مواصلندنہ تکرار اشتغالات علمیہ سنے حصر ہمت ایدرک بوتون مکتسبات علمیہ سی قوہ حافظہ سنک کتابخانہ عالیسنہ تودیع ایشلشدر .

بوندن صوکرہ فطرت اصلہ سندنہ بولنا فرط ذکا و علومت سائقہ سیلہ ساحہ معالیدہ دہا زیادہ تعالی ایدہ بلک

قلبری مشوش ، لسانلری کاذب ، طبیعتلری منحرف قولقلری صاغر ، کوزلری کور انسانلر بولنسیدی بویلہ بر صمیمیتک تجلیساز میمنت اولسی محال ایدی . زیرا محاسن ایلہ مساوینک اتحادی قابل دکلدر . وطنمزک سلامت و سعادتق آرزو ایچیل بیکانلر وار ایسہ ایوجہ بیللمیدرلرک : توفیقات ربانیہ برکاتیلہ اتحاد و ترقی فرقہ سنک حیت و صمیمیتی سایہ سندنہ بوماً فیوئاً سعادت ملیہ مزک مزداد اولہ جغسنہ قوہ مغنویہ مز غایت متین ، قلبرمز دخی مطمئن و امین بولنقدہ در بونلرک اک بیوک نشانہ خیر و سعادتق فرقہ نک حسن تجلی اخیریدر . ایشہ بو حسن تجلی : ملت معظمہ عثمانیہ نک امین و متین آدمیلر ایلہ شاہراہ ترقیدہ دائماً منتظماً دوام ایدہ جکنہ بر فال خیر مغنوبدر .

تراجم احوال صوفیہ

امام ابو حامد محمد بن محمد بن محمد الغزالی

کالات انسانہ نک مراتب عالیہ سی : حریت فکریہ ایلہ عرفان و فضیلتک و علو ہمت ایلہ استکشاف حق و حقیقتک درجات مغنویہ سیلہ تقدیر و تعیین ایدیلر سہ امام غزالی نک مرتبہ قصوای معالیدہ بولندينہ مناقب سنیہ سیلہ آثار نادرہ علمیہ سی برہین اولیہ دندر . بونادرہ خلقت : خراسان ایالتی داخلندہ طوس شہری قصبہ لرندن طابران بلدہ سندنہ قدمہادہ عالم شہادت اولمش ایدی . پدرلری صلحای امتدن و معیشتی ایلکچیلک ایلہ تدارک ایدن ارباب سعی و حرفندن ایدی . وفاتندہ امام غزالی ایلہ برادری ابو الفتوح احمد غزالی ہنوز سن صباوتدہ بولنورلردی . وفاتی صرہ سندنہ صوفیہ دن بر ذاتہ (یازی یازمی اوکر نہ مدیکمدن یک زیادہ متأسفم شو ایکی چوققلرمک تعلیمی ایلہ تلافی مافات آرزو سندنم رجا ایدرم : بونلری تعلیم ایتدیر بو اوغورده بوتون متروکاتی صرف ایتکدن چکنمہ) دیہ وصیت ایش ایدی بو وصیت اوزرنہ صوفی مشرالیہ